

*f. 129.

- *1 Quamvis² in baratrum det te sententia patrum,
 Audis illatum vera ratione reatum.
 Si petis e contra, quod sit fallatia, monstra!
 120 Appetitur vindex et claret criminis index.
 Quicquid narrabit, ferro candente probabit.
 Cervicis dure vir, non sunt hec tibi cure,
 At³ te predoni magis assimilas Pharaoni.
 Ecce perit fartus⁴ vinclis et sudibus artus
 125 Proditione datus camerarius Odo vocatus.
 Pro libris centum tibi det Deus emolumentum⁵!
 Turpis et immanis carcer ligat Aurelianus.
 'Vos illi, patres, et vos succurrite, fratres!',
 Clamitat insomnis et plebs et grex pius omnis,
 130 An⁶ decoris⁷ factum, vel ubi, vel quando sit actum.
 Talibus apponis stimulos tibi proditionis.
 Hec tibi veridicus audita notavit amicus.
 Quod mage miramur, modo de Fredesinde loquamur.
 Verus amor nescit abscondi nec requiescit.
 135 Nuscas⁸ nempe bonas et magna monilia donas,
 Pelles pro pelle seu⁹ quicquid scis sibi velle.
 Talis amicitia non indiget allegoria.
 Plane narretur, quia planius acta videtur.
 Ut quid amas illam totam sub veste suillam?
 140 Sit sua vita brevis, quia plena caro sua nevis!
 Estne tibi soli? nequaquam credere noli!
 Quos peperit pueros, suos illos respuit heros.
 Iugiter in camera tu nutrix, ut iubet hora.
 Stultus es et cecus pro tali pelice mechus.
 145 Plebs sua¹⁰, quero, velis, ingurgitet¹¹ ora loquelis,
 'Cur quasi te radat, cur ad tua balnea vadat?'
 Taliter apponis maculas tibi suspicionis.
 Rodulfo¹² credis nec ab eius velle recedis,
 Quem scis sacrilegum, contemptorem¹³ quoque legum,
 150 Cum tantum dampnum faciat tibi quemque per
 annum,
 Cum decies mille tibi libras auferat ille,
 Turpis et ignarus, pro nequitia tibi carus,
 Ecclesie tante post te dominatur et ante.
 Et grex tristatur, vilis Geta¹⁴ cui dominatur.

1) Von da an andere Hand. Der Anfangsbuchstabe jedes Verses ist roth angemalt. 2) Quāvis stark verwischt. 3) Ad c. 4) quartus c. 5) Vgl. Luc. 19, 11 ff. 6) Et c. 7) de foris c. corr. P. v. W. 8) v. 135—146 fehlen bei Mabillon. 9) sed c. 10) sua zu ora 11) ingurgitat c. 12) rodudulo c. 13) steptore c. 14) Vgl. Ov. Trist. et Ep. ex Ponto. (IV, 13 etc.)